

虛齋名畫續錄

虛齋名畫續錄卷四目錄

戴鴈阿山水冊

程穆倩深林高士圖軸

唐青霞品茶圖軸

八大山人做董巨山水軸

八大山人荷花水鳥軸

釋石濤書畫卷

釋石濤山水卷

釋石濤采石圖軸

釋石濤菊石圖軸

釋石濤蓮生圖軸

釋石濤花卉山水人物冊

釋漸江丹林窠石圖軸

國初諸家楚游贈行書畫冊

嚴秋水餞別圖諸鴻博題詠書畫卷

禹慎齋芭蕉仕女圖軸

薛辰令雪景山水軸

馬扶義荷花白鷺圖軸

楊子鶴梅竹石圖軸

王日初倣黃鶴山樵山水軸

王存素深山竹屋圖軸

王存素巘畔垂綸圖軸

王存素疏林幽岫圖軸

陳南樓歲寒三友圖軸

華秋岳和合二仙圖軸

華秋岳山水人物花卉冊

高西園古梅圖軸

吳山尊花明柳媚圖軸

汪近人山水冊

關晉軒僊山樓閣圖軸

方蘭士映花屋圖軸

方蘭士松竹芝石圖軸

奚鐵生倣一峯山水軸

奚鐵生倣古山水冊

董文恭名山大川冊

湯貞愍秋林伴侶圖軸

湯貞愍天師小像軸

戴文節西泠讀畫圖卷

戴文節晚霞詩思圖書畫卷

戴文節寒峯岌業圖軸

戴文節岩壑松風圖軸

戴文節春岩曉色圖軸

戴文節重巒密樹圖軸

戴文節峭壁叢篁圖軸

戴文節秋江蘆鴈圖軸

戴文節秋空健翮圖軸

戴文節臨墨井山水冊

戴文節山水冊

戴文節費曉樓皋亭春泛圖合卷

戴鵬阿山水冊

紙本十幀每高八寸三分闊五寸五分皆水墨奇石
高山枯林濃樹或風帆出峽嵐影川光或陡壑乘槎
江青雲白此冊全以焦墨渴筆皴擦而成實別開生
面也第五第十兩幀各有對題亦紙本尺寸同畫
第一幀

奇石濯崇牙幽泉咽簫簴疏松偃鱗鬣聽人作何語
無聲之聲目能共聽枯毫非舌類多逸韻聊爲靜者一
解頤耳不知爲誰家法也鵬阿

鵬阿

白文

碑

朱文

小琢所感

朱文

第二幀

白雲結山光翠礪響林影豈信有炎氛引人坐華井
古人筆法能實其所虛復能虛其所實此亦天地自然
之理也仲圭其入微者矣鴈阿

鴈阿

文白

戴

文朱

第三
幀

波黯湖山雨荷香浦漱煙偏修漁具嬾卻慣弄鴉船
元人畫中間有若此者烏鬼嘗見於詩畫有由來矣

鴈阿

文白

戴

文朱

第四
幀

高居金掌上飛駕玉虹前豈復人間意天風落硯邊
名山之奇皆非塵想所及變現不可端倪古人所以獨
尊氣韻也鴈阿

鴈阿

文白

寫心

文朱

胡氏小璣
藏書畫印

文朱

得二
軒藏

文朱

第五
幀

霜穎采墨華鴻濛忽留跡天漢引一槎白雲洗共碧
世莫能逃偶作遐想聊與曠懷者共之抑知實有此境
否鴈阿

鴈阿

文白

寫心

文朱

豈是乘槎泛斗牛並無織女在溪頭人間自有銀河好
博望何勞天上浮
翁題

吳雲
朱文

第六
幀

山雨淡尤白柳煙深更青
潮來魚信退釣客最能聽
元暉筆何嘗溼房山硯亦恒枯
說向世人不信始知自
我糊塗天根道人

馬阿
白文
戴
朱文

第七
幀

不信中流斷仙人扇劃開飛帆歸鳥急嘗帶夕陽來
江氣山光映帶隱約不得以呆筆貌之鴈阿

鴈阿

文白

戴

文朱

小琢所藏

文朱

第八
幀

道惟迂得簡心能遠始間空崖下野鶴無人獨往還
不盡用倪高士法何必拘拘前人也想前人法當亦如
是鴈阿

鴈阿

文白

守硯

文朱

第九
幀

似此雲泉樹生居黃農天奇影落人世悔作畫圖傳
黟海松石古人多未見況畫可摹邪引爲近玩仙帝所
嗔余與友漸公不能無譴也彼益松囊雲者當復如何
天根道人

鴈阿

文白

戴

文朱

胡寬
藏印

文朱

第十
幀

林竊欲浮春崖光動幽照應知淨業人忘言亦微笑
筆墨乃性情之事於依稀仿佛中有非筆墨所可傳者
惟吾樂園能靜討得之天根本孝

逕道谷

朱文

寫心

朱文

碑

朱文

小琢所藏

朱文

石逕流來古澗泉疏林不挂半絲煙高人自有幽閒意
豈是長齋繡佛邊吳雲題

吳雲

朱文

程穆倩深林高士圖軸

紙本高四尺四寸六分闊七寸八分水墨山水遠近
森林濃陰欲滴林中一人扶筇獨立高山重疊石磴
盤旋其間茅屋數椽流泉一道境極幽靜按穆倩生
平多用渴筆此獨濃墨作點遠山亦以焦墨染成爲
老年傑構紙色如新惜上邊
微損致題句中闕少數字

□日携子辛郎步渡口板橋□當登高乃從吾友林修
先□談笑敲碁竟日出所藏珍品及潁水外族諸姨文
翰金石之學謂老傭可比戰國上下三代歌洵知言哉
偶成畫詩請正教之循牆日事當牆立今日支筇□子
行籬壁滿城徒有菊□□憑尔發深情充聞才女□經

鳥不問時賢月旦評又復婆娑口博物雕蟲玉手使余驚八十朽弟程邃具

江東 文白
布衣
垢道人 文 朱
程邃
癸巳
安貧 文白
十年
如一日
樂 朱文上
憂
程邃 文白
之印
寶傳 文 朱

如如 文 朱
現在
邦懷 文白
珍威

唐青霞品茶圖軸

紙本高二尺七寸四分闊一尺四寸八分水墨山水
古木蕭疏幽篁披拂遠山清秀沙渚潏潏頗具雲林
高逸之致

庚子清和二日閒坐桃溪山莊天氣晴美拭滌茶具而
洞界尙未開園惜無新葺可烹因命光姪偕開美張兄
走南山之巔摘得旗鎗數莖余手製就異香拂拂宛在
廟後諸山間急令童子煮泉嘗之眞蘭漿一滴矣興致
勃然思弄筆墨光姪出此楮索雲林小景遂名之曰品
茶圖紀其時也紀其事也他日展觀不識尙有此興趣

否青霞山樵全

廚字全印

文白

一字天客

文白

無益樂齋

文白

巢氏七研集印

文朱

書斗灑金牋高一尺三分闊同本身

青霞山樵名字全荆川先生之元孫也父獻可字君虞以佳公子懷才未遇跌宕文酒有聲藝苑所作畫純乎士氣不可多得若青霞更無有知其能繪事者今觀此幅用筆簡淡氣韻超逸深得倪高士遺意可謂後先濟美矣題語灑然出塵卽事抒懷流於翰墨可以想見其人爰識數行於幘首以見前賢之擅能事而不名也嘉

慶壬戌四月望竹初居士維喬跋於小林棲時年六十
有四病目眊瞶書

維喬之印

三白
朱文

淨提老人

朱文

半圓
之半

朱文

八大山人仿董巨山水軸

紙本高三尺九寸四分闊九寸五分水墨坡石疏林
長松突出隔岸孤亭空寂層巒高聳山樹扶疏雲氣
滃鬱此幅全仿董巨蒼密渾厚頗
與思翁相近吳平齋題於裱絹

董巨墨法迂道人猶嫌其汙其他何以自處耶要知古
人雅處今人便以爲不至漢老同學以爲何如癸未禊
日八大山人臨

拾得

朱

真

文

歸安吳氏
二百四十五

朱

八大山人姓朱名耑畫徵錄謂故石城府王孫也有仙
才隱於書畫題跋多奇致不甚解書法有晉唐風格畫

擅山水竹木花鳥筆情縱恣不拘成法此幅筆意胚胎
大癡而蒼渾古勁別出機杼有超以象外之趣跋語亦
真有奇致余見山人畫多矣此爲極經意作也平齋題

吳雲
私印

文白

平齋

文朱

八大山人荷花水鳥圖軸

紙本高三尺九寸八分闊一尺四寸四分水墨一枝
直上含葩欲放橫出新葉倒垂右邊破葉中隱露花
瓣其下頑石巉然一水鳥立於石
上筆致活潑墨瀟淋漓頗具真趣

八大山人寫

可得
神也

文白

八大
山人

文白

遙
鳴

文朱

編修倪氏
家藏書

文朱

釋石濤書畫卷

紙本三接高八寸長一丈三尺二寸七分畫凡七種
水墨設色花卉山水人物俱備卷首八分書五字先
書後畫空處
題詠殆遍

清湘書画稿

五十六
文

白

四十四
文

白

南歸賦別金臺諸公 鯤翼覆千里百翎難與儔曠然
思天地其亦等蜉蝣倦欬蓬萊石興翻滄海流往來無
逆志大塊終悠悠吾身本蟻寄動作長遠遊一行入楚
水再行入吳丘乘風入淮泗飄來帝王州蘭蕙本契合

氤氲相綢繆感君洗我心愧我污君眸三年無返顧一
日起歸舟良會寔不偶悵懷那得休贈言勞紙筆繾綣
當千秋

一設色巨舟泊岸古木數株舟中人
作話別狀題詠書於圖上及左方

天下山水孰奇壯最奇不過閩與浙余生雖未游斯境
舊昔曾聞有人說峻嶺仙霞直上天蒼岳絕壁如臨淵
王公出爲兩省制旂旄鐵鉞經其巔去年天子近呼來
景物依然尙念哉思之不見愛余寫一一細說傳其材
嶺下白雲橫麓起嶺頭紅葉接天開叅橫樹木總無度

劈立一松勘四顧披鱗帶甲嫩不勝百尺撐空承雨露
冰霜蚤勵歲寒心近日春光猶託付翠竹連環萬畝陰
風生清籟如瑤琴此間注目欲飛去目送江郎羽化岑
清湘本爲泉石客聞君此語愈冷心開襟便作巒嶼想
落筆一搜華嶽林歲月驅人世粉墨輝黃金山川自爾
同今古吾將以此贈知音大司農王人岳屬寫仙霞嶺
及古松樹并悉命意

不覩荆山玉安知圭玷華小堂初下榻歛院少移花時
有高車過風標未許誇紅顏方乍對白雪敢吟呀輾轉

忱難已躊躇興益奢禮文因病廢詩事寫心遐願借同
堂手持書啟絳紗臥病慈源值大司寇圖公見訪爾時
不知主人月公往便感賦以謝

半世遊雲客思君歷九秋黃塵空促步白髮漸臨頭倦
矣懷商老歸兮襲子猷薜蘿春盡月飄葉下揚州寄梅
淵公宣城天延閣

舟泊泊頭丁允元鄭延庵諸子清言雅論復索予書畫
作書以贈訂方外交古岸新沙錦纜收御河官柳送
行舟號歌直接青雲外鄉語難分到泊頭太息勞人勞

白肯番嗟我輩爲誰愁天涯南北逢知已敢不虛心翰

墨酬

二設色
菊花

小
乘客
文 朱

舟中九日夏鎮與諸同人遣興咲作有香有茗有黃花
雖不登臨興也嘉舟上看山山勢轉水邊弄墨墨光華
白衣携酒南陽獻烏帽拈題夏鎮呀總是客途寥寂甚
平沙淺水接天涯

三設色中流巨艦兩岸人眾曳纜而行遠
望檣帆林立樹木幽深題詠書於左右

千迴百折故城河東傾西長分嵯峨白楊灌木參天柯
處處成行古道厯古塚荒碑廟逶迤水流浪打雪狼窩
行路之人嗟歎多崢嶸斧削飛岳坡樓船畫鼓快如梭
錦纜人來寸寸呵歸共糧艘遮天摩歌聲歌徹青雲和
故城河口號

青字

文白

臨清過閘口號 地傾水瀉須憑閘千里雷車迅怒嘯
捲浪拋開珠散彩崩空舞碎雪分濤七十二門向北牢
東歸此去漸憑高錦雲旋繞織秋袍仙障中分虎勢條

鳴鑼擊鼓壯滔滔行人駐看羅洲艚飛帆擁簇駕圖旄
推牕捲幔得揮毫

舟行將八閘湖水盪無涯漁艇千家岸蘆花一色沙舟
過八閘爲友人作画

隸書

晴窗
者

宋
文

眼中才子誰爲是燕山北道張天津此時破雪擁萬卷
手中笑謝酒半巡一觴一韻字字眞的眞草稿惠何人
羨君顛死張顛手羨君摧折李白神贈我雙筵稱二妙
秋毫小楷堪絕倫至今停筆不敢和至今縮手時爲親

知我潦倒病念我無髮貧授我以心法憶我相思陳入
城出郭兩苦辛傾心吐語皆前因落落無知己滿面生
埃塵奇哉奇不已長嘯謝西秦雪中懷張笨山

半生南北老風塵出世多從入世親客久不知身是苦
爲僧少見意中人天仙下世眞才傑我公心力能超羣
君視富貴如浮雲遊戲翰墨空典墳愛客肯辭千日酒
風流氣壓五侯門四海漁樵齊拍唱歸來長鋏歎王孫
人生飄忽等閒情且隨酣暢眼縱橫感君白壁買歌吟
醉客不放東方明傾情倒意語不惜回山轉海開旃檀

座客皆雲不盡歡歌兒聲雜冰雪團凍雲匝地酒龍醒
意氣崢嶸豪士全此夜真堪寫懷抱明朝詔下君王宣
相思回首心拳拳辛未冬日雪中張汝作先生見招才
人傑士擁坐一時公來日有都門之行賦謝兼贈

清湘石

文白

四墨竹五墨
蘭合題一絕

但不着塵俗皆當附凌雲餘生有何係無如此二君

苦瓜和尚
濟畫法

文白

六水墨山水山勢崢嶸流
泉倒瀉一人獨立觀瀑

天都直聳四千仞中藏三十六芙蓉練江二十四谿水
爭流倒瀉兮朝宗岑山砥柱中流溶煙晴二溪聲淙淙
松風堂在籠叢衝至今開合散天下出人往往矯如龍
我生之友交其半谿南潛口汪吳貫君家得藥好容顏
美髯鶴髮雙眸燦慷慨揮金結四方風流文采分低昂
默而不語神冥冥琅然歌發聲蒼蒼兒孫滿座皆英才
雄談氣宇生風雷狂瀾興發中堂開焚香灑墨真幽哉
清湘晤尊者原濟

前
有
龍眠濟

文

白
頭依
然不識字

文

七設色古樹一本後觀空山樹孔
中露一半身古佛閉目袒胸而坐

老樹空山一坐四十小初

篆書

皆丙子長夏六月客松

風堂主人屬予弄墨為快圖中之人可呼之為瞎尊者

後身否也呵呵

釋印 元濟 文 白

水 悟前 文 白

感之 名山 文 白

佩裳 寶藏 文 白

佩裳 平生 文 朱

新安項源 漢泉氏一字 曰芝房印記

文 朱

釋石濤山水卷

紙本四段每高七寸三分長一尺二寸水墨一設色
三用墨氣韻渾成用色古淡有致峯巒密密樹沙磧荒
江村屋舟舫遊騎人物無不入神入妙
此係精細之作與粗豪不同堪稱傑構

第一段

水墨

在磻幽人樂考槃南山白石夜漫漫空林無風萬籟寂
長嘯一聲山月寒清湘大滌子依極

隸書

山

文白

老憐

文朱

季彤

文白

健庵

文朱

總翼

文朱

伍元惠

文朱

第二段
設色

老木高風著意狂青山和雨入微茫畫圖喚起扁舟夢
一夜江聲撼客牀清湘老人極

荷

文白

極

文白

懷奎

文白

季彤

文白

第三段
淡設色

澤雉樊中神不旺白鷗波上夢相親一鞭斜日歸來晚

只有青山小慰人清湘老人極燕山道中

半白

文

監實之章

文

率形

文

第四段
設色

遙山近山青欲滴大木小木葉已疏斜日疏篁無鳥雀
一灣谿水數函書大滌子耕心艸堂

大德

文

曾咸齋

文

潘季

文

南清氏南

文

釋石濤采石圖軸

紙本高一尺四寸五分闊九寸六分設色高山一座
突立江邊山上松樹重重中以白雲隔斷亭臺梵閣
微露其巔山腳兩傍檣竿林立遠望村
居櫛比遙岑隱約當是寫采石磯勝景

先唐兩勝事一面滌江塵有聲傳朽木無夢謫仙人才
子空留影將軍不到身今朝遺筆硯始見過來真大滌
子懷詩倡句飛拜采石之圖

原

文白

石

文白

法門

文白

藏之名山

文白

明

文白

釋石濤菊石圖軸

紙本高三尺五寸九分闊一尺四寸八分水墨菊花
一叢高出蘇石其上竹枝偃仰墨采淋漓頗得石田
遺法

清香一片拂磁甌不用東籬遠去求最是山僧憐酒客
儘教泛去坐忘憂清湘苦瓜老人濟

頭白依
然不讓字

文白

苦瓜
和尚

文白

贈
青

文朱

清湘石
構

文白

釋石濤蓮生圖軸

紙本高一尺七寸六分闊二尺水墨鮮藕一枝上生蓮花嫩葉下襯鉅葉一張花瓣用濃墨點染光采煥發筆尤勁挺題句二十八字隸書

彷彿如聞秋水香絕無花影在蕭牆亭亭玉立蒼波上並與清流作鴈行清湘大滌子阿長

大滌子

文朱

四
書
畫
譜

文白

釋石濤花卉山水人物冊

紙本八幀每高八寸五分闊一尺四分皆水墨花卉六山水人物各一筆法勁挺墨氣淋漓天真之趣溢

於毫端足稱逸品冊惟三
幀有題餘俱祇鈴一印

第一幀高山流水
遠岫孤舟無款

青
真字

文白

第二幀老梅
一本無款

青瓜和何
濟畫法

文白

第三幀蘭
花一叢

幽香拂珮亦何長不擬湘臣遠寄將自是春芳勝秋色
東風搖映滿瓊瑤石道人濟

清湘石
溝

文白

第四幀枇杷
一樹無欸

蒼瓜利尚
清畫法 文 白

第五幀修竹一竿
下襯梅花無欸

清湘石
清 文 白

第六幀芭蕉下一
人側坐石上觀書

野性自逍遙新詩換酒瓢
狂來無可對潑墨染芭蕉
石
濤濟

釋印
元濟 文 白

第七幀梅枝斜出花用
墨點傍綴竹葉無欸

苦瓜和陶
齊畫法
文白

第八幀倒

垂崖菊

興來寫菊似塗鴉
悞作枯藤纏數花
筆落一時收不住
石稜留得一拳斜
清湘石濤濟

釋印
元濟
文白

釋漸江丹林窠石圖軸

紙本高一尺六寸九分闊一尺一寸二分設色楓樹六株高下不一或直豎或斜臥紅葉爛然傍作窠石用沒骨法以青綠鈎點石腳赭黃渲染色澤古艷爲僅見之品

丹林窠石漸江僧寫

（弘仁）

朱文

存存應
約亭家

朱文

仁租
廣德

朱文

國初諸家楚遊贈行書畫冊

紙本八幀每高七寸七分闊九寸二分山水六花鳥
二水墨設色咸備對題紙本尺寸同畫此冊皆一時
技贈之作摘葩採藻各炫
所長詩書畫俱稱傑構
引首紙兩幀尺寸同畫
隸書四大字無款無印

洞庭瀟湘

第一幀設
色山水

洞庭秋月請政靜君同學先生高簡

高簡
文白

送靜君長兄楚游分體得五言絕句十二首錄呈教政

君本閩海人來作江南客看遍江南山還製楚游屐曾
向巴陵路三湘寄念深君今洞庭去動我舊遊心金焦
青兩點相送到瀟湘去去瀟湘水金焦是故鄉燕磯白
日風牛渚清宵月遙指石頭城揚颿去飄忽江山最佳
麗小孤出天半好借馬當風一展如椽翰西塞山前好
孤舟細雨過臨風一憑眺青翠入雲多樂天琵琶行東
坡赤壁賦平生文字交今日扁舟路樊口縮項魚武昌
泥頭酒何處繫情多漢陽門外柳君本騷賦才莫學襄
陽賈萋萋芳草中高吟弔鸚鵡黃鶴樓頭月三年常在

懷憑君爲問訊仙侶幾時回
錢佛春深寺紅山日暮鐘
客游曾到處最憶鄂王松
楚行有遺恨未上岳陽樓
好去蕭公子題詩最上頭
丹陽同學弟荊彥鳴具藁

隸書

荆印

朱文

詩賦

白文

掃花軒

朱文

第二幀水

墨山水

白墮塵網幾二十年翰墨風流作何狀
貌聊爲解嘲云
身隱焉文也靜君先生有三楚之行
屬作岳陽勝觀強
掃禿隸寫意以應之爲之不寒而栗不可示人也
震澤
冷庵會

王印

會文

冷庵

文白

海棠作華柳吹絲丘南一逕生綵煙先生杜門苦寂寞
好事幸值蕭郎賢光風恰在丘深處擬挽蕭郎十日住
麥餳杏粥君不留掉頭趨問荆江路春江之上華月多
楚娃能唱楚調歌歌聲哀絕不堪聽遠遊其奈牢愁何
嗟余太史牛馬走愛學蝨魚穴書藪爲君掃徑待君還
君還肯傲芭譚否信筆送靜老尊兄游湖廣并正丘南
子汪琬

汪琬
之印 文白

翁鈍
文朱

石子岡
文朱

第三幀設色

桃花流水

隸書

桃華潭水

己巳春三月寫爲蓼磯先生遊楚并正

吳門王允維

維允

朱文

蕭子淡蕩人山水如有素春來客吳門一月湖邊住適

聞搖棹來又指湘南路把酒強留君花飛春已暮渺渺

彭蠡鐘翳翳漢陽樹山遠聽鷓鴣帆轉愁鸚鵡袖裡洞

庭圖篋中雲夢句

君携楚游詩畫一冊皆吳中名士筆也

瀟江當落暉湘

浦收殘雨茲遊日夕佳新詩應無數獨我苦寂寥匡坐

誰與語愁心逐南風吹君五兩去己巳春杪送蕭齋兄
楚游并政良常弟王荀鶴具草

鶴

文白

仙御

文朱

半舫

文朱

第四幀水
墨山水

己巳初夏寫似蕭齋兄楚游博粲弟賀天鈞

賀印
天鈞

文白

巴蜀雪消峩嵒嶂玻璃葡萄三月漲荆江漢江岷江來
我家京江淥可釀江頭游絲三百丈颺颺江風吹五兩
杜若離離白芷生橘花冥冥班竹長蕭子要是獨清人

薜荔芙蓉滌蠻瘴黃州赤壁挂高帆夏口樊山停雨槩
不羨武昌酒琰鸚鵡樣不羨漢陽女兒鷓鴣唱一口吸
盡洞庭湖落月正落渚宮上屈原不生宋玉死文藻江
山尙無恙歸來筆筆作楚詞景差唐勒何多讓爲君醉
倒荔支樽臨文好掃孫郎帳擘盡黃柑不解醒三湘九
疑每相餉醉歌行送蕭齋兄楚游并正于梅草

某

朱文

松月
夜窗
虛

朱文

第五幀
青
綠山水

己巳夏日用米法寫楚山清曉奉贈靜老年道兄楚遊

良常弟子佶

固囚

朱文

楊柳花飛春晝晴
春城送客楚天行
文章似爾才無比
湖海憐君氣未平
野浦聞歌沙草綠
江船吹簫水禽鳴
洞庭想見風帆滿
舉酒豪吟月二更
賦贈靜君先生楚
游兼正萊陽姜實節

實

朱文

小字思未

白文

姜仲子

朱文

已是天涯路如何別
又頻鶯聲三月暮
柳色一帆新蹈
海風波客離家患難身
從今春正好得意楚江濱
小詩

奉送靜君先生正弟顧三典

三典

朱文

有常

朱文

撫松

朱文

第六幀設色山水

岳陽樓圖

隸書

己巳夏日為靜君先生寫并正晉陵黃

公遜

公遜

朱文

遜

白文

怡老園中初識君詩壇正喜壓全軍乍來吳苑尋遺跡

又向湘江披宿雲

朝來四顧宿雲披
孔常父泛湘江詩

千古忠魂留正氣

兩行血淚讀雄文

近讀先生述尊公
憲公祖殉難行實

從來忠孝天心格

不久芳名定上聞小詩奉贈蕭先生兼送游楚呈教正
茂苑弟文揆具草

○順

文朱

小傳云

文白

第七幀設
色山水

己巳春暮靜君年翁將遊武昌寫此贈行王武

○武

文朱

中勳

文白

○吳

文朱

君爲海濱士故作江湖行風波歷已遍於此驗人情崦
崎故鄉路灘瀨作雷聲泛海縱遙矚能不心神驚去去
涉三楚一望天水平少壯寧得已孤蓬事遐征客懷終

有託所藉惟友生念昔孔李誼典型多老成庶堪吐胃
臆一拜血淚傾相逢共慷慨千載延令名蓼磯年道兄
正之弟武草

王
勳中

吳
文

第八幘設色垂
絲海棠白頭翁

蓼磯先生遠行寫此奉贈并博一粲王頤

王
文

一字
文

文
文

送靜老年長兄遊楚中并正楊子津頭春欲歸樽前客
去柳花飛隨風十幅蒲帆影第一磯過燕子磯磯頭高

下各相望唱徹吳歌入楚鄉莫向小姑山下泊風波直
恐惱彭郎日落千艘岸畔斜閩人好向楚人誇福州荔
子今堪摘橘柚湘潭未著花湘潭春水日潺淙小繖翻
翻畫槳雙快讀離騷仍痛飲不知已渡汨羅江黃陵廟
裡少花枝青草湖邊夜雨時歸去那緣行不得子規心
事鷓鴣知金沙弟子淵具草

謝子

文朱

誰向

文朱

問字有
人載酒

文白

嚴秋水餞別圖諸鴻博題詠書畫卷

引首灑金牋高八寸長二尺零三分

獎勵皇華 益都馮溥

馮溥私印 文白

圖紙本高同上長一尺零二分設色圖作草堂中四人圍坐方几話別銜杯外有應門童子執鞭輿夫一車兩馬停驂以待祖餞情景宛然在目其餘雜樹扶疏蒼翠欲滴用筆清秀洵士夫之作也

手奉 天書出 帝京吟朋餞別話深更去從馬齒看

山色喜有賢王立馬迎壬戌之秋悔齋年長兄奉使琉球諸同年賦詩餞別余因寫此圖并題短句求正勾吳

弟嚴繩孫

繩孫

朱文

臨大審定

朱文

書紙本高同上長二丈一尺三寸六分

奉送悔翁年長兄使琉球二首卽請教正
暫輟鑾鑾坡草還乘博望槎
文章傳海外名字滿天涯
人地堪華國王程得過家
繡衣歸省日晝錦未須誇
見說高華嶼南行只片帆
土風宜稻黍方物有楓杉
候吏迎仙棹詞臣領畫函
好將柔遠意霑灑及堪巖
海鹽弟彭孫通

彭印

朱文

張氏

白文

木雁之閒

朱文

奉送悔齋年長兄使琉球二首並請教正暫輟含香直
曉班金符玉節下閩關日遶五文皆御氣海浮一髮是
中山風霆夜護轡龍簡雲霧朝披玉雪顏 聖主恩深
及海外薇垣隔歲望君還琉球遠接扶桑國萬里波濤
此去看嶼轉梅花吞倒景洋開黑水盡驚湍長鯨鼓浪
雲垂墨老蚌含珠夜吐丹身到南溟瞻北斗珮聲猶憶
鳳樓寒秣陵弟倪燦

倪燦
之印

文白

公問

文朱

聖世務懷柔駿烈被遐壤窮裔通王會梯航盡來亨中

山東海隅 天威素崇仰數因朝貢至舟溯滄溟廣我

皇湛殊恩冊遣使臣往石渠采雋彥臨軒副宸想萬
里楊德音悠哉念鞅掌三山渺何際仗節辭神京內顧
無所私慷慨壯茲行青門張祖席騶從何縱橫握手賦
驪歌寸心共杯傾皇路固逶迤丈夫志遐征崔巍凌閩
嶠浩蕩觀蓬瀛乘風指華嶼長嘯雲霞生彭島插東溟
欽欽出馬齒代產名賢王羽冠素守禮瞻雲拜璽書卉
服謁天使天使蘭臺選亭亭玉山峙丰采照鬚眉揮翰
雲滿紙絕域激清風宣威信良史聞有却金亭歸然立

山址海邦豈不遠去去凌洪濤石華俯可拾列嶂撐天
高蛟龍彌爪鬣天吳晝潛逃始知聖朝使萬靈護旌
旄照乘非所珍焉貴雉與契臣職佐修文袞衣勵貞操
歸來報天子坐論嘉賢勞里言四首送悔翁年長
兄并正晉陵弟周清原

清原

朱文

理筆

白文

不意對數字

白文

壬戌新秋偕諸同年送別悔齋年長兄奉使冊封琉球
公譙序蓋聞誦詩專對傳稱大夫之材投筆從征史
紀封侯之相張騫星槎之使宋雲葱嶺之行競說奇踪

爭侈遠駕要其津涯易測軌轍可尋遂古相傳於今爲
烈若乃綜爾雅以名四海超禹貢而大九州宇宙太和
乃聞重譯之使車書混一始成王會之圖章亥之所莫
步羲和之所未宅天關雷動地軸飈迴羣飛洶湧忽作
恬波六種震驚皆爲安土生聖德神功之世負超山越
海之奇赫矣休乎皇哉盛矣我國家蕩平反側雨露
羣生惟居重以馭輕乃平天而成地光華日月奠定山
川包含九有悉主悉臣叅贊二儀職轉職載至於東漸
烏弋西極白狼高柳生風扶桑銜日莫不編名鴻署輸

賁象胥委質古人徵歌槃木固已尉候定其朔南梯航
窮其水陸矣惟琉球之一區泛重溟而萬里途經閩嶠
形恍惚於鼓山巖接離倚勢縈迴於彭島地方千里君
長歷年昔者三姓分雄今則一王合併有如新羅百濟
共入句驪苴緬哀牢同歸南詔值新君之嗣位主厥嚮
卣戢天子之明威倫茲冠帶厥辟引領於渤澥陪臣
拜手於闕庭如綽如綸慕王言之下勞爲英爲鎬期使
節之特將 皇帝於是其難其慎爰度爰咨魯論稱四
方之才居孝弟之上漢詔舉使絕國者與將相同科誰

是終童賈傅之資足當陸賈相如之任一時廷臣共推翰林檢討汪子楫爲正使中書舍人林子麟焞副焉汪子孝友傳家文章華國悟易簡而出險阻憑忠信以涉風濤一日科頭尙無管寧之過千人投足寧同徐市之求王尊效忠乃抗詞於叱馭仲由稱勇亦慰志於乘桴雖落落之懷應求匪易而溫溫之度唱和有人爰輟紫薇之班來作玉堂之介水衡錫之內府祿滿三周金縷出自上方榮躋九命御書高捧鸞鵷之華宸翰遐頒飛鵠潛蚪之勢綈帆絲纜無非玉府之縑雪戟

霜戈並是雲臺之仗於時 天威燁赫地勢安貞百谷
之王同四靈而效順羣陰之長統萬派以朝宗波臣潮
使相率歸心龍伯鮫人咸爲稽首不逢不若長絕神奸
罔象潛其當蹊天吳訾其邀路溫嶠燭怪不藉燃犀歐
冶鑄金允堪剗兇爾乃乘風破浪似傍青霄掛度凌霞
如遊明月晝草元虛之賦宵繡曼倩之書湍迴則日月
如驚浪轉而星河欲動才人屬目便是奇觀名士撝懷
無非勝境殊疆草木咸來博望之林徼外山川盡入形
方之志於焉針分甲乙道經赤坎黃麻船避礁礪山有

雞籠馬岳從此宣 九重之威德昭萬里之神明裔王
傳告夫種人庶族長思爲臣僕觀篇章而橫錦羣驚中
土之華聞言論以成珠共仰九天之唾丈夫壯志於此
云酬昆友素心還深屬望向者鹽車久困不徒邀苜蓿
之盤豈今龍節驟膺肯僅索葡萄之種屬者海外餘氛
島濱延息渠魁雖殪遺孽猶存四十載之逋誅妖同孫
秦五百人之嘯聚節豈田橫曾豨突於江潯間鷗張於
吳會屢頓水犀之甲時勞組練之師東南杼柚之空無
非爲此江左衣冠之禍靡不由之近者克平金厦漸撤

藩籬議勦臺灣未窮巢窟庶其叅卿軍事張我天威苟
利社稷不辭出境之專相彼情形或收屬國之效約束
蛟鱷不煩秦濟之陳詞京觀鯨鯢肯許盧循之續命豈
如捐之建議徒棄珠崖滕駿邀功但盟林邑已哉茲者
成行有日祖道盈庭連枝非行路之人同調有天倫之
樂離歌頻喚不聞變徵之聲別酒時行間有清商之奏
長湄遠曲豈似江淹崎路河梁非同蘇武實良遊之可
羨徒惆悵其奚爲況乃資父事君雖王程之不宿移忠
作孝暫子舍之堪娛始出名都好奉天孫之錦言經故

里適觀揚子之濤惟申繾綣之懷庶幾贈處之義斯時
也暑霞新霽涼露未霜楊柳金堤綠映三秋之月芙蓉
碧沼紅餘千頃之花是宜讌集魚魚高賢羣和無令篇
章寂寂來哲笑人鴛水同學弟徐嘉炎製

徐嘉炎

文白

力勝

文朱

嘉南州
之炎德

文白

運水
軒藏

文朱

德大
審定

文朱

去年君作觀海圖萬里雲濤生素練波中島嶼湧千尋
潮裏魚龍爭百變水光澹澹山竦峙多君空闊堪擬此
長風破浪亦偶然激蕩奇懷聊爾耳一朝玉節發金閨
龍章虎竹麒麟衣九重乍覩紫泥出十洲行見黃塵飛

雲屯千騎從天下，弩矢前驅擁使者。立功絕域固有人，
雄才自昔推司馬。赤車高蓋輝光生，玉霞紺雪齊蓬瀛。
君行乘潮海東去，凌風拾月相將迎。歸來攜得驚人篇，
貝宮錦麗鮫珠圓。遲君劇談海外事，使我胸次長悠然。
送行詩一首計一百六十八字嘉炎又製

私印

文白

方勝

文白

私印

文朱

海外環三島，寰中大九州。言持龍虎節，去訪鳳麟洲。
國已兼南北，槎仍泛斗牛。扶桑真向化，歸獻白狼謳。
王程敢憚遠，辛苦越重溟。屬國遲卿月，歸帆轉使星。
染波霞

影赤吞浪嶼光青安穩看還往朝宗仰 帝靈奉送舟
次年長兄冊封琉球并請教正吳江弟徐鉉

徐鉉之印

文白

虹亭

文朱

奉送舟翁老年兄勅使琉球詩四十韻 帝德敷千羽

王圖集共球職方通寄象封典下流虬 天子咨專

使廷臣相遠侯官宜太史筆人是大川舟容貌夔龍偉
言辭僑胙優皇華持漢節吉日佩吳鉤祖道儀章重臨
軒錫予稠頭銜一品服謙從五花騶孔翠承高蓋交龍
樹曲旂朝衣辭北極鹵簿指東甌六月攻車馬雙星入

女牛風師吹喜氣海若送安流遂自梅花所遙臨古米
洲雲中仙子降天末遠人柔長史迎牙纛番君拜冕旒
國門歡會啓宮井瑞泉浮彩扇葫蘆貼金簪瑪瑙鏤雕
翎文在手結髻錦纏頭簪笠垂環具犀渠繫荆綵四時
蕉爛熳萬戶烏鉤斲食祇炊螺殼居寧聚鬪擊刁童
子舞帶草女君謳嚼米成奇醞團醢佐庶羞法筵天界
廣宴席水亭幽戲任龍標競文從太學搜勅書金匱襲
賜物玉杯酬七鳥遺風在三山故老留賦詩題館閣記
事載軒輶能却千金贈何辭萬里遊宗生眞破浪尼父

亦乘桴忠信符潮汐威嚴退石尤雲霞依畫鷁蛟蜃擁
層樓振柁遲羅望迴颿旗鼓收蠻邦觀禮樂澤國厯春
秋爭艷才名盛因知文德修椒蘇充貢舶翰墨定邊籌
小嶼環天闕洪波達御溝勦勞傳禁掖姓氏動遐陬馬
上黃羅帕車中紫綺裘歸來歌燕喜鼓吹滿揚州長洲
年弟尤侗拜藁

元個
芝印

文白

悔
菴

文朱

西
堂

文朱

奉送舟次老先生古詩二十韻并求教正王會古有極
化域今無外南窮廩竹鄉東際扶桑界驛路直闔天邦

名著隋代貢修臣職詳詔出王言大封崇玉冊頒典重
金縉賚恩信藉宣揚精誠孚簡在公才九殿英儀表千
官最品服稱緋衣腰圍宜玉帶出郊持使節餞野發征
旆筆輟螭頭簪帆從鷁首掛槎影漾日移花裙望塵拜
篋中貯絲綸道左迎車蓋國體示鮫人皇威恬水怪樓
憑結蜃成石立分鰲戴島樹直如薺山城浮若芥神異
紀詩篇俶詭收圖畫天闕指星榆雲章垂露薤堯堦教
已敷宣室歸仍對旣見舞羽千方期調鼎鼎還志十洲
經瑰竒擅千載西泠弟邵吳遠具草

邵印

文白

戒

文朱

禁輒花影日曛曛制草金鑾出內宮江上九秋霜葉冷
海邊六月荔枝紅星隨婺女東西濶帆引中山南北通
不比漢唐殊雨露聖朝天子脫彤弓

其一

秦女秦童事

有無聖人功業亘前途王朝久却珊瑚使絕島重瞻日
月符地湧樓臺眞海市天開煙霧指澎湖何須晦朔占
芳草嵩祝春王萬歲呼

其二

清華才子重雞林簫鼓樓

船出海湧萬里蛟龍團水練三山風雨結秋陰莫逢方
士重求藥但聽成連一鼓琴入夜珠光千月起恬波酌

酒快豪吟 其三 沉寥天外指虹霓 汨沒河梁咲鵬鷖 正

欲鑿荒同博望 可將原毀問昌黎 衣裳奉朔新知歲 桃

李無言下有蹊 珍重北方星使到 高華圓覺話留題 其

四 壬戌秋日奉贈舟翁老年親臺出使流求四律請政

同學弟趙吉士頓首

漸新 朱 文 天刊 白 開懷無說詞 文 白

皇帝二十載 雍和被八方 屬國奉正朔 月竈皆賓王 卹

封有舊制 恩施逮遐荒 聖朝重典禮 盈庭簡材良 我

友汪伯子 王命維所將 丈夫飽經術 用世罔不藏 及

茲使絕域駕海排帆檣驚濤鳴作處開闔變陰陽月明
蚌珠吐標建蝦鬚張彷彿龍威出貝闕□瑤光回顧地
維盡仰視唯青蒼 丹詔百靈護御氣如清霜倏忽超
落際揚光日月傍出使能不辱雖遠庸何傷夙昔同心
友臨岐各盡觴驪歌秘不發 君命寔煌煌文德溥涓
熙武功銘旂常待君萬里歸謨烈高無彊恭送梅翁年
兄奉使琉球卽求教政東武弟李澄中

李印

文白

雷田

文朱

德大

文朱

曾鼎山
房法
書名

文朱

後跋灑金牋高同
上長二尺零二分

趙天羽泛葉寄紀汪太史出使時三晝夜遂抵其國蓋
御書中山世土四字賜國王尙貞者在船也及返時波
濤萬狀曠日遲久然有烏鴉千餘夜繞檣帆船破數尺
又有巨魚塞其缺處不漏封君太翁生伯七旬誕琉球
君臣預撰序文製松竹詩書錦屏寄祝可謂極皇華之
盛事矣此太史出都時諸公送別之作天羽而外皆制
科碩彥煌煌巨篇一時作手之長而吾郡徐勝力吾邑
彭羨門尤爲鄉邦前哲馮文毅署簡嚴藕漁製圖亦近
時鑒家所目爲星鳳者也太史還朝撰中山沿革志若

千卷呈御覽更繪乘風破浪圖今不知流傳何所延津
之劍有時而合則嬾民之願也戊午夏四月望日時雨
初霽焚香小閣桐谿嬾民陳德大跋

孤白
嬾大

文

曾鼎主人
陳子有

文朱

禹慎齋芭蕉士女圖軸

紙本高二尺七寸五分闊一尺一寸二分水墨芭蕉
下士女一人坐石磴上膝按琵琶舉頭凝眺靚粧淡
雅揮灑自如
洵稱逸品

紅蘭主人筆墨妙絕千古最愛青簾書畫每見濡毫未
下氣已吞潑墨如飛脫窠臼於腕底實昭代傳人偶索
余擬天池芭蕉士女誠問道於盲不揣鄙陋漫畫請教
未免布鼓耳廣陵學人禹之鼎

禹之鼎印

五白一
朱文

廣陵
人

朱文

慎齋

文白

醉

朱文

黃

朱文

蓄
九

朱文

薛辰令雪景山水軸

紙本高三尺五寸闊一尺四寸一分設色林木陰森
長松挺立樹下茅屋中一人憑欄坐眺近峯遠岫積
雪瀾漫洵得
元人遺意

丁卯小春倣宋元諸大家筆法婁水薛宣

薛宣之印

白文

辰令

白朱文

秋笑軒

朱文

馬扶義荷花白鷺圖軸

紙本高三尺六寸闊九寸七分設色一花一葉自左
斜出花瓣本色雙鉤下一白鷺獨立水中傍襯浮石
萍藻通幅用墨青烘染愈覺幽淡有致

白鷺下秋水孤飛如墜霜心閑且未去獨立沙洲傍庚
辰八月畫併書李青蓮句爲宸老道長兄正栖霞馬元
馭

馬印
元馭

文白

虞山
馬扶義氏

文朱

云根

文朱

棲霞
道人

兩白兩
朱文

楊子鶴梅竹石圖軸

紙本高三尺二寸三分闊二尺八寸二分水墨老梅一樹花繁葉密樹下湖石聳立傍綴叢竹墨采絕佳頗得元人風韻

丙申小春倣逃禪老人筆預祝瑞翁先生七十榮壽虞

山楊晉

西亭 文白

望 文朱

有松軒 文白

家在虞山第一峯 文白

懷與獨遠 文朱

禾邵南 文白

大自別 文白

王日初仿黃鶴山樵山水軸

紙本高一尺九寸七分闊一尺二寸五分水墨松林
森挺屋宇重重對面峯巒高聳曲徑盤旋巖下沙渚
紆迴石橋橫跨遠山層立縹緲無盡此倣山樵秀潤之作

癸丑春初寫黃鶴山樵筆於悅可軒東莊王昱

王昱之印

文白

初日

文朱

平澹

文朱

畫禪

文朱

王存素深山竹屋圖軸

紙本高一尺八寸三分闊一尺一寸一分水墨山水
山石虛廓空明中着板屋數間叢竹圍繞古樹雜立
得簡淡幽曠之致

歲云暮矣風雨淒然紙牕竹屋燈火青熒時於此中得
少佳趣乙酉除夕養疴乍愈小酌陶然蕭齋孤坐硯有
餘瀋遣興作此於鳳涇漁舍朴廬學人愔

愔

文白

屋林

文朱

婁東
宗派

文白

此宗少文一筆畫也後世傳其法者尠矣余偶有會心
騰觚圖此正如越處女劍術忽自有之而非授於人者

丙戌春三月橐又跋

跋難陀 居士橐印 文 朱

其筆法 文 朱

朱

書生 文 白

文 白

王存素巘畔垂綸圖軸

紙本高一尺五寸闊九寸六分水墨山水兩巘對峙
澗壑奔流山半枯樹林立其上雲氣勃勃巘畔一舟
一人持竿垂釣頗得逸趣

巘畔垂綸 丙戌三月望日於楓江漁舍寫此并題以

詩一櫂逍遙釣晚汀寒雲漠漠水泠泠平生不識騎牛

子却笑嚴陵應客星櫟廬

王橐印

文 白

樊東 宗振 文 白

文 白

游娛 文 朱

文 朱

王存素疏林幽岫圖軸

紙本高二尺五寸九分闊八寸四分水墨山水疏木
數株坡石遙對隔溪幽岫特起氣韻蒼茫深具平淡
天真之妙

乾隆丙戌春三月燕居養疴靜忝畫理覺有會心騰觚
圖此謂之雲林可謂之雲西亦可林屋山人悵

存素

文白

研香菴

文朱

白雲先生授右軍書訣云望之惟逸發之惟靜洵爲八
法三昧語繪境亦然神必逸氣必靜不逸不靜便如東
坡所云退筆如山不足珍也樸廬學人跋

○惻

文白

屋林

文朱

宗費
派東

文朱

除書
事生

文白

眞平
眞溪

文朱

陳南樓歲寒三友圖軸

紙本高二尺四寸五分闊八寸六分水墨山茶兩枝
設色蠟梅水仙各一墨采渾厚色澤古艷洵稱能品
錢籀石兩題
書於本身

康熙甲申清和四日苧觀姪孫持舊紙索畫余偶仿家
白陽山人此幀繪成細閱方悟舊紙受墨另有風致於
此信之上元弟子陳書

陳

文白

書

文白

女德居貧近代無一生補紡費工夫 重華宮裏 親

題識寶笈今藏道統圖太淑人有歷代帝王道統圖經

進藏 重華宮載石渠寶笈口幅有補紡印一

錢載

白文

錢載

兩朱兩白文

載於己巳夏五月三日拈花寺禮從曾叔祖妣陳太淑人白描觀世音小幀有賦三首今於庚戌夏五月三日見太淑人此幀遂錄一首以補空白載時年八十三歲謹記

載

朱文 倒用

坤一

朱文

華秋岳和合二仙圖軸

紙本高一尺八寸四分闊六寸五分設色人物圖繪
寒山拾得踞地而坐面前置折枝荷花蓮房並一小
盆二仙含笑諦視神情逼肖傍無佈景題字楷書

彼何人斯宜兄宜弟爰笑爰語式相好矣新羅山人

品華

文白

岳秋

文白

幽心入微

文朱

解教館

文白

神品所得

文白

華秋岳山水人物花卉冊

紙本十二幀每高七寸二分闊一尺水墨二設色十
山水人物花卉俱備此冊用筆清秀傅色淡逸早年
所作已極精妙自非時史所能夢見

第一幀設色
淡青綠山水

松巖點黛蒨鬱而起朝雲飛泉漱玉散灑而成暮雨

秋岳

朱文

第二幀設色
月季蛺蝶

四面垂條密浮陰入夏清綠攢傷手刺紅墮斷腸英粉
著蜂鬚膩光凝蝶翅明雨中看亦好況復值初晴

秋岳

朱文

第三幀設
色山水

少有道氣終與俗違亂山喬木碧苔芳暉

秋岳

朱文

第四幀設
色人物

好放春牛過嶺西
綠坡煙暗草萋萋
東風忽趁楊花起
嬌鳥一聲枝上啼

秋岳
朱文
何化
萬興
文

第五幀水
墨山水

夏石奇雲秋江迴月

秋岳
朱文

第六幀設
色竹石

簣簣谷中春事晚
老鶴俛啄莓苔生
長鳴戛戛雨氣潤

舞羽翛翛山月明

秋

朱文

華

白文

第七幀設
色山水

橫看山色仰看雲十幅風帆不藉人記取合江江畔樹
他年此處好垂綸

秋

朱文

北

白文

第八幀水
墨人物

眠琴綠陰上有飛瀑落花無言人澹如菊

秋

朱文

華

白文

第九幀設

色梅竹

雪裏無人共酒杯行吟處處只逢梅月明自向前溪問
恐有扁舟到却迴

秋

朱

華

白

第十幀設

色人物

秋瀨喧石梁臨流不肯渡與客坐忘歸山寒日將暮

秋

朱

華

白

第十一幀

設色山水

娟娟羣松下有漪流晴雪滿竹隔溪漁舟

秋 朱 實心 文 獲我 文 朱

第十二幀
設色山水

青山宜野服白髮明溪水日暮幽思多微風樹聲起壬

寅冬日寫華岳

秋 朱 文

高西園古梅圖軸

紙本高二尺六寸四分闊一尺二寸八分淡設色老梅半截挺如石笋根若臥虬其上枝幹直出著花無多花瓣用赭墨雙鈎樹本微著淡黃通幅以墨青烘托筆極古拙本身上下兩題第二題首四字隸書

香從煨煉來酷冷出層雪穿透千丈冰扣成百尺鐵稜稜歲寒心陰風吹不滅時在乾隆丁巳初臘題畫即贈畏老學長兄自謂一字不泛設定知許我如何如何學弟高鳳翰左手

西園

文朱

思一
雅扛精

文白

味別

文白

代公
之平

文白

借掛
翰墨
錄

文白

巳丁

文白

幽人之貞 十二月朔有一日晚南阜左手再題

宋

文白

長

文白

章

文朱

書斗高一尺另
六分闊同本身

在邦始破談舌乃每出滾滾兩人各不休又往往多肝
腸涕淚語雖相見不三四度而衷曲中人指無多屈矣
此意兄可自信弟豈徒然者哉別來如吳龍鍾益甚幸
邀上臺丙照以病留養今且偷安眊息或不至卽意外
齟齬耳使便一脩欸問并寄一左畫小梅幅合之此扎
可作一軸留爲我兩人他日息壤所題小詩信手拈取
直可爲吾兄寫照不只爲寒香疎影尋常套語矣兄解

人定不以弟爲山雞照水也呵呵不一啟上畏老學長
兄千古令兄先生同候丁巳冬十二月朔一日燈下寄
學弟高鳳翰左手頓首別件另扎又及

一
鼎思

文白

高
鳳翰

文白

老
章

文朱

兩
字

糊
不
辨

元
璫

文白

吳山尊花明柳媚圖軸

紙本高二尺九寸五分開一尺四寸設色新柳一枝
自左斜出下補折枝丁香紅綠交映鮮豔奪目自題
圖名四字隸書

花明柳媚 昨晤蔣少司空前輩知緩齋西曹大兄同
年有納寵之喜因衍丁卯二字爲歲朝圖以賀添丁可
卜論功出香山楊枝上矣吳舊並識

吳山尊
小印

朱文

御試詞臣高等

朱文

古大篆卯柳同字古音卯讀如柳見吳志虞翻傳注辨
之甚詳舊又識

尊山

文朱

荷知感應

文白

冬心春氣

文朱

汪近人山水冊

紙本十幀尺寸色墨不一載於每幀之首其中層巒峭壁幽磳懸泉山石嶙峋煙雲渾厚至於點綴屋宇溪橋松林茂樹各有幽致用筆傳色似與石濤彷彿每幅以高門紙嵌裱自錄雜詩於右第一幀高六寸八分闊四寸六分水墨

寸心懷出處不是愛青山辛丑夏四月汪士慎寫於壽

萱堂之書廳

慎

文白

人近

文白

誠僅

文朱

齋勤

文白

孤峰百里見身到識陰晴滿地江風動如聞廟鼓聲蒼雲連海暗駭石接沙平九載登臨後空山草又生士慎

不遠復

文白

一字近人

文白

琴舟曾觀

兩朱兩白文

會稽章氏宛委山館鑑藏金石書畫之印

文朱

第二幀高四寸七分闊五寸九分水墨

僅誠

幀

文白

執人

文朱

從來勝事每無端欲待商量興已闌今夜月明風定後
兩家歌舞一齊看僅誠

十印幀

文白

第三幀高七寸七分闊六寸設色無款

〔人〕近
文白

〔幀〕
文白

莫將定眼對朝山
一曲臨風閒外閒
便寫洛神誰得似
只留秋水照人間
朱櫻口號

〔人〕近
文朱

第四幀高四寸七
分闊六寸水墨

英雄不出溪山靜
風雅無歸草樹荒
何求老人之句勤
齋汪士慎偶書此幅

〔人〕通
文白

〔幀〕
文白

〔印〕志
文白

〔人〕稿
文朱

閒情无計可消磨
幾度尋人市上過
自笑伯通何處廡

殷勤望汝入煙蘿南郭先生樂有餘
嗒然隱几欲何如
看來事事從前錯
白髮于今始讀書
壬寅六月之望近
人士慎偶書

勤齋

朱文

白遜

文

第五幀高七寸八分
闊五寸九分水墨

僅誠

人近

文白

慎

文白

勤齋

文白

言詩今古幾人同
撥盡寒燈午夜風
響徹元聲鐘蠡外
迸來真氣鍊蕤中
江湖衿履煙嵐厚
羣雛鄉關象緯雄

深悟讀書多未破十年遲見浣花翁黃流厭渡莫聽冰
古路隄河細似繩愁過客邊新蜡臘淚多家傍舊園林
夔州以後論工部凝碧歸來識右丞誰說渡江東晉事
太原風槩自稜稜王于一先輩贈王雪蕉之作慎

近人

朱文

勤齋

朱文

第六幀高六寸四分闊七寸水墨無款

幀

白文

勤齋

白文

甲子周回古夢遙草堂風雨聽江湖十年破帽餘雙鬢
半卷殘書見六朝紫氣鉤陳天歷歷白雲廬舍景蕭蕭

將時娛母高人事虞夏商周酒一瓢

隸書

王于一壽王

元倬六十詩二首之其二壬寅夷則之上浣錄於孫氏

之廡庸花廳近人

汪

文白

心在山河外

文白

第七幀高六寸七分闊四寸四分水墨

雲水蒼茫氣似秋空山蕭瑟風颺飄興來直上霜巖頂

何羨元龍百尺樓士慎

慎

文白

勤

文白

家書初報渡桑乾盼盡殘陽又曉鞍旅店候雞成淺夢

窮途減食勸加餐只言薄命同飢渴誰信狂夫有肺肝
風雨一燈花自落不堪容髮與君看天都寄客慎書於
碧梧深處

人近

文白

第八幀高六寸九分闊
四寸六分設色無款

慎

文白

人近

文白

誠

文朱

三百年來一史臣憑君哀樂轉傷神高宗南渡無消息
惟見流傳說史人四照堂詩僅誠

士印

文白

第九幀高四寸七分
闊六寸水墨兩題

危亭峙險亂松作籟彼浩然來登者其爲誰

慎

文白

辛丑五月汪士慎畫於壽萱堂

人近

文白

清明天忽霽集侶狼山遊出郭紛車馬晴光滿綠疇數
里見嵯峨山遠心已周未暇辨山外一心趨上頭須臾
臨絕壁十丈峭且幽巨靈何代斧積鐵無寸柔遙望三
吳景一抹青黛浮把酒發長嘯揮劍如孤舟

隸書

壬寅

秋七月之上浣僅誠慎書

勤 色 文白

第十幀高四寸七分闊五寸九分水墨雪景無款

慎 文白 近人 文白

院落狂風冷自披孤懸葉葉報春知蟾光影散千重見
好護芳心到曉時芭蕉四首之一壬寅秋窗雜錄四照
堂詩於此冊近人汪士慎書

江 文白 心在山 河外 文白

關晉軒僊山樓閣圖軸

紙本高三尺六寸四分闊一尺四寸四分設色兼青
綠山水海天浩渺峰巒重疊臨海石臺高峙樓閣參
差松柏成林桃花掩映山半更起一樓碧宇朱欄迴
廊曲折坡下石橋橫跨洞口雙鶴蹁躚波紋若鱗遠
山層立川筆工緻傅色明艷當係撫宋人粉本也

臣關槐恭繪

臣

槐

文朱

御覽

文朱

石渠寶笈

文朱

御覽

文白

三希堂精鑑

文朱

立

文白

御覽

文朱

寶笈

文朱

嘉慶鑒賞

文朱

方蘭士映花屋圖軸

紙本高三尺九寸五分闊一尺零五分設色園林景
屋宇重重花木交錯面南一屋三人環坐其中傍屋
點綴几榻書卷位置井井院內薔薇滿架竹籬匝繞
四周臨河一帶圍牆對岸環橋橫駕用墨傅色淡雅
有致雖做錢叔寶實有過之程同
文題於本身張興鏞書於裱絹

林護煙扉水繞廊梧桐溪上讀書堂閉門欲覓風前句
花影看移曲象牀壓架紅薔錦被堆春陰窸窣牕開
當年棹壑留題處依舊花光四壁來映花屋圖仿錢叔
寶畫法爲雨香主人作時乾隆乙卯長至前一日樛盦
方薰

薰

文朱

坭蘭

文白

讀易溪南藉一窩閑庭螯石綠
阨陀春風故與施屏障
綰住紅雲十丈多
小園作賦忝吳儂
高樹陰連屋數弓
知道鄰家好春色
晚風飄蝶過牆東
檇散方翁畫絕倫
蔣回詩筆見天真
十年重憶花前客
吹淚天涯有故人
車塵飛着故衫緇
話舊尊前鬢有絲
入戶春風書散帙
撩人歸夢是花時
雨香光祿屬題時
嘉慶辛酉檇翁已
仙去蔣謂春雨也
雨香方謀輯其詩稿
春廬程同文

同文

文朱

一籀編就萬堆霞
匝院游蜂鬧午衙
記讀新詩頻擊節
殷勤勸作畫圖誇
乾隆乙卯歲客桐花溪
上蔣春雨明經出示薔薇花詩
有紅英留襯雪獅眠句
讀之傾倒嘗語司馬盍倩樗盒寫其意
此映花屋圖所由作也
閱今三十二年司馬偶述舊事出此屬題
不能無感於中云彈指人間卅二年
此花此屋故依然
何期同向臨湖住翰墨三生信有緣
圖中題句尙如新
不見當時社裏人
剩我看花揩老眼
爲君重賦故園春
家園亦有小簾櫳
每到花開滿架紅
拋去葳蕤經六載
倩誰人爲畫屏風

雨香司馬大人命題卽求是正道光六年太歲丙戌日
在尾遠春張興鏞呈稟

陳鑑
之印
兩朱兩
白文

遼
春
朱
文

方蘭士松竹芝石圖軸

紙本高四尺二寸二分闊一尺三寸四分設色雙松
挺立秀石峙其旁樹根下靈芝兩三本襯以綠竹筆
意清潤傳
色淡雅

黃石公蒼髯叟南山燦東嶺秀繪此圖介眉壽乾隆丙
午冬日寫祝鈞衡先生四十初度懶儒方薰

方薰
之印

白文

方氏
蘭士

朱文

口得

白文

陳氏
之印

白文

陳氏
之印

白文

奚鐵生倣一峯山水軸

紙本高四尺一寸四分闊一尺四寸九分水墨森林
稠密山徑盤旋上作高嶺平岡白雲靄靄溪橋村屋
布置咸宜
洵稱妙品

倣一峯老人筆意爲信芳閣學法鑒辛酉四月鐵生奚
岡

篆
題上

文白

奚岡
之印

文白

奚華
之印

文白

奚鐵生倣古山水冊

紙本十二幀每高七寸二分闊八寸四分皆水墨氣
韻渾厚筆致輕清其中摹倣各家以學米爲最神似
殆歲寒遣興作此自
娛非尋常酬應比也

第一
幀

倣黃子久富春圖筆意

鑒泉
外史
文白

奚
圖
文朱

第二
幀

過雨先看隔岸山
石林蒼蘚點斑斑
此間合着倪高士
吟盡秋陰曳杖還
崔渚生

奚
圖
文朱

第三
幀

倣檀園老人筆意

岡

朱文

鐵生

白文

第四
幀

木末秋山水際亭碧蒲紅蓼散鷗汀何當放艇頻來此
不著魚經著崔經倣趙善長溪亭煙靄

奚九

朱文

鐵生

白文

第五
幀

擬井西老人江山無盡鐵生

奚九

朱文

第六
幀

盧花瑟瑟水悠悠一櫂江南憶舊遊正向西風感搖落
數聲寒雁下滄洲用曹雲西法並題舊句

鐵

文白

第七
幀

倣徐幼文小景

鐵

文白

張景
外史

文白

第八
幀

倣西廬老人秋山清曉圖意

鐵

文白

奚岡

朱文

第九
幀

觀白石翁安老亭圖用筆如此

圖
奚文

第十幀
兩題

米虎兒雲山樓閣曾見董思翁臨本

生
白文

九
奚文

又云學米難於渾厚當用焦墨淡墨渴墨破墨積墨便得之矣昔人云米家不肯一筆落於絹上此正是用墨非在筆也

駁木
居生
文白

第十
一幀

萬橫香雪撫倪高士十萬圖之一蒙道士

同笑
文朱

第十二幀右半
作畫左半題跋

朝嵐在樹宿鳥初開擬黃霍山中人法

生蠟
文白

歲寒風雨艸屋蕭閒鄙性疎懶不耐苦吟惟以筆墨自遣每於酒半鐙下輒寫小幀數日以來不覺疊疊盈冊

就中撫黃子久倪元鎮沈石田董思白諸公筆意蓋取其荒率天真未敢以爲似也時在乾隆甲寅嘉平廿又六日蒙道士奚岡記

奚岡

白文

奚岡

朱文

董文恭名山大川冊

紙木上下兩冊各十幀每高三寸七分零闊八寸七分
分皆設色此係奉勅所寫山川名勝用筆精工傳
色明麗實為生平絕詣每幀小
楷圖名四字御題俱書本身
引首灑金牋兩幀尺寸同畫
各鈐御璽一方兩冊皆同

御覽

朱文

惟幾

文白

上冊第一幀

渤澥朝宗

大海環天地歸墟眾水從河淮皆順軌江漢盡朝宗一
勺遙源細三山遠黛濃層樓登兩度思入舊遊蹤

類稿 文白 得佳 文白 御覽 文朱 石渠 文朱 寶笈 文朱

第二 幀

茗雪農桑

雙溪佳勝擅春景紀餘杭農事方耘稻婦功近採桑
崖雲影潤夾岸菜花香力作無休息三時候正長

香 文白 玉 文朱

第三 幀

淀津集網

畿甸眾流滙汪洋集淀津泛舟浮片葉舉網起潛鱗謀

食無非事求魚鮮矣仁欲探眞實景龍舸暢行春

古

文白

玉太

文朱

第四
幀

西湖春泛

昔在畫中遊今從畫裏求六橋連古寺十景繞芳洲高
挹雙峯秀奇探三竺幽詩囊曾紀勝繪冊漫勾留

比

文朱

潤

文白

第五
幀

洪河利漕

虛齋名畫續錄

卷四

董文恭

畫

轉漕達天庾正供國計充洪湖長蕩滌河水自疏通恬
浪欣連渡張帆喜趁風披圖心遠會清口集征蓬

比

文朱

明

文白

第六
幀

瀟湘夜雨

瀟湘極天末秋夜雨方深颯沓鳴高柳迷濛暗遠岑繁
聲籠野泊清響答宵砧客睡知難穩打篷蕩旅心

白

文白

朱

文朱

第七
幀

巫峽輕舟

巴峽連巫峽驚湍往復回目迷楓樹燦背指菊花開崖
若鉅鋒削舟如急箭催風波何太險倏度碧峯隈

比德

朱文

湖瀾

白文

第八
幀

揚子銀濤

源導岷山遠波寬揚子江銀濤翻巨浸雪浪捲驚瀧吳
楚派同一金焦島峙雙舊遊廿三載心印寺樓窗

比德

朱文

湖瀾

白文

第九
幀

洞庭秋月

八月湖波浩蟾光耀夜明冰輪騰皎潔桂魄漾晶瑩上
下輝相印雲霄彩遍盈圓靈浴錦浪天水普澄清

會心
不遠

白文

德符

朱文

第十
幀

笠澤霜林

臣

董誥恭畫

臣
固

白文

木葉徑霜染輝生笠澤秋
扁爛敷岸角璀璨結枝頭艷

勝春花麗光連遠岫浮遍探溪壑美詩畫作清遊丁卯

十月中浣御題

德比

文朱

潤明

文白

精賞

文白

三希堂
精鑑堂

文朱

子孫

文白

下冊第一
一幀

崑崙縣圃

神山隔滄海沙漠望崑崙氣接九天表勢連八極根增

城裊煙霧懸圃繞潺湲想像萬仙會闐風遠世喧

德比

文朱

潤明

文白

精賞

文朱

石渠
寶笈

文朱

三編

文朱

第二
幀

岱宗日觀

東岱鍾靈秀高峯日觀超赤輪騰渤海義馭上層霄彩
煥九州界光翻萬疊潮舊遊曾兩度心印畫中標

會心不遠

文曰

德覽付

文朱

第三
幀

嵩高二室

填星主中嶽巍峙仰嵩高雲繞千崖翠松翻萬壑濤羣
峯青錯落二室碧周遭磴道凌霄漢嵐光現彩毫

德比

文朱

潤朗

文白

第四
幀

太華蓮峯

太華碧摩天凌虛玉井蓮五千峯似削十丈藕如船紅
接雲霞影青含松竹煙巨靈分峻極鶉首蘊星躔

比

牛文

明

白文

第五
幀

宛委神書

宛委東南勝名山近會稽千雲御灝氣凌霧陟仙梯金
簡神書貯赤珪大禹躋平成永利賴䟽導得端倪

比德 朱文

劇潤 白文

第六 幀

劍門雲棧

奇險甲天下相傳蜀道難
劍門高百仞雲棧疊千盤
峯接九霄碧林翻萬葉
丹堪嗤名利客自棄坦途寬

占香 白文

太玉 朱文

第七 幀

匡廬五老

紫霄標峻極奇秀說匡廬
五老凌銀漢三宮峙絳都
蓮

花擎佛手玉瀑濺香鑪勝概披圖得神遊徧奧區

占香

文白

玉太

文朱

第八
幀

天台石梁

上界花宮迴四明仙境賒梁飛玉川瀑標建赤城霞劍
石嵐光聳松崖澗影遮幽棲契真宰雲水渺無涯

比德

文朱

明潤

文白

第九
幀

靈巖香雪

春光敷鄧尉遍拓萬株梅香暗籠瓊蕊雪深潤粉埃含
英眩銀海舒艷燦瑤臺波影連山影尋芳小艇來

北

文

詞

文

第十
幀

峨嵋積素
臣董誥恭畫

臣
誥

文

凝陰籠蜀嶺大雪積峨嵋萬壑鋪銀屑千林綴玉蕤坡
坳隱凹凸枝榦任紛披三白徵佳兆呈祥粉本施丁卯
十月中澣御筆

香古

文白

玉太

文朱

嘉慶
寶印

文白

三希堂
藏書印

文朱

子孫
宜

文白

湯貞愍秋林伴侶圖軸

紙本高二尺九寸一分闊一尺零三分設色山水秋
樹叢立黃葉滿林坡上兩人閒行作對語狀臨水一
亭翼然隔岸村居幽寂高峰突起煙靄空濛是爲秀逸之品

肇甫三兄索畫山水會予小極遲之而聞歸有日矣因
檢舊作此幀聊以報命時丙午清明雨生并識于白門

畫山
文白

湯貞愍天師小像軸

紙本高三尺九寸五分闊九寸五分設色側立仰首
小像朱袍朱履一手持盃一手向上掐訣鬚眉極古
神采如生
傍無佈景

有漢張輔漢留侯八世孫廣穎方兩頤七歲通天人幽
栖北邙北白虎銜符文太傅復列侯三詔優君恩蠶叢
一何險迹辭蒲輪弟子長与昇空谷隨鴻真龍虎護
丹鼎妙術綜乾坤嵩山繡衣使秘籙中峯存讀之對分
形鶴鳴逢老君雌雄授雙劍能召三萬神盡殲六魔王
遂服八部尊殺鬼未免多昇天遲廿春朱衣降金闕星
冠朝玉宸羣仙樂高會上帝憂下民勅還塵世上勸度
苦海身永壽改元歲人日日午辰夫婦兩弟子白日乘
青雲時年百廿三有道傳後昆至今覩遺像神鬼驚心

魂道光辛丑五月南蘭陵湯貽汾寫于青谿琴隱園并

題

雨生詩

朱文

武功將軍章

白文

張勇侯作

白文

戴文節西泠讀畫圖卷

紙本高七寸八分長四尺三寸五分水墨山水峯巖疊秀煙霧渾濛山腳城垣柳邊樓閣隔湖平巒一帶樹木叢深小艇二三人家隱約筆墨秀潤極幽曠之致首尾兩題

西泠讀畫圖己未八月用董文敏法白盒仁兄屬醕士

戴熙

戴熙

文朱

文敏中年落筆如飛晚年漸入枯拙別有一種凝重之味今人領取不盡麓臺專師文敏之拙能得其味後人效顰真如撒地蔗渣豈復可嚼哉近日讀畫甚夥湯記

紙尾并東居士又識

戴

文白

程

文白

作畫程

文朱

戴文節晚霞詩思圖書畫卷

圖羅紋紙本高七寸五分長二尺零五分設色山水
峰巒秀潤樹木森嚴一人扶杖閒行羣鳥歸林欲下
遠山橫列暮色蒼茫深得高逸之趣

晚霞詩思圖戊午新秋韻初一兄屬續醕士戴熙

戴

文白

土

文朱

是病也

文朱

書紙本高七寸八分長一尺七寸節書蘭亭
敘文不錄文用墨書跋用花青書下無印記

是日也至快然自足右節書右軍蘭亭敘於宗陽宮商

華伯背誦戴醕士背臨時咸豐五年八月十八日同坐
者周雨亭俞雲史姚焱庵邵位西高小垞成蓉卿王安
伯

戴文節寒峰岌業圖軸

紙本高四尺二寸六分闊一尺八寸八分水墨山水
喬木古松雜立巖畔山塢人家四五隱露其間高峰
巍然白雲滃鬱墨
氣滋潤足稱妙品

寒峰岌業圖 丁巳六月叅用李咸熙范中立兩家法
對山一兄屬醕士戴熙

醕士 朱文

興江尚 徐河陽 同名

白文

且食 蛤蚧

朱文

戴文節巖壑松風圖軸

紙本高三尺八寸六分闊一尺八寸八分水墨山水
層巒疊嶂松樹重重嶺下坡陀一亭幽寂隔澗流泉
直瀉山腰雲氣迷濛筆墨極為渾厚

九疊屏風峭壁開壁間泉落自回回幽陂遠壑憑誰賞
惟有松風過嶺來甲寅十一月倣王叔明筆小舫一兄
屬醕士戴熙畫

七關

文朱

熙戴

文白

譙國

文白

明三入承

文白

杜氏茂勛
珍藏精本

文朱

戴文節春巖曉色圖軸

紙本高四尺二寸二分闊二尺設色山水古木參天
垂楊拂岸石橋橫跨茅舍深居屋外修竹芭籬嶺上

白雲翠黛此圖用筆豪
放色墨淋漓實所僅見

春巖曉色咸豐乙卯八月殿臣仁兄大人屬醅士戴熙

士醅

文朱

熙戴

文白

熙戴

文朱

戴文節重巒密樹圖軸

紙本高三尺六寸一分闊一尺四寸六分設色山水
樹色濃陰巒光渾厚樹下板屋兩間修竹披拂此圖
全以樹勝題做
北苑洵不虛也

重巒密樹北苑遺法己未十月藹臣三兄屬醅士戴熙

士醅

文朱

熙戴

文白

熙戴

文朱

熙戴

文白

戴文節峭壁叢篁圖軸

紙本高二尺六寸五分闊一尺三寸七分水墨兩峽對峙峭石壁立水勢滔滔激成波浪壁上叢竹萬竿煙靄空濛渾厚無匹此圖寫清遠峽景象不著年月為使粵時所作也

峭壁激浪叢篁蔽空晚靄蒼然悽神寒骨舟過清遠峽偶一遇之戲為蕉田大兄大人寫出醕士弟戴熙作於

英德舟中

郭同名

文朱

文朱

文朱

文朱

文朱

文朱

文朱

戴文節秋江蘆鴈圖軸

紙本高二尺八寸一分闊一尺三寸三分水墨山水高峰突起曲徑盤旋嶺半平坡一亭孤立山腳枯柳下水閣數間蘆葦叢中羣鴈低飛欲下遠山層疊神韻悠然

寒葉蕭蕭下江山忽已秋一聲蘆鴈起清夢落滄洲散
秩媿無補故園知見求羨君別神武浩蕩寄閒鷗道光
丁未九月容翁屬畫醕士戴熙并題

上醕

文朱

熙戴

文白

是病也

文朱

戴文節秋空健翮圖軸

紙本高二尺七寸七分闊一尺四寸九分水墨梧桐
一本葉已微凋一鷹獨立其上傍襯秀石墨氣活潑

神采
如生

秋空健翮醕士戴熙筆

上醕

文朱

熙戴

文白

戴文節臨墨井山水冊

紙本六幀每高七寸二分闊五寸皆水墨此係臨摹之作留以自娛墨采淋漓筆法秀潤非隨意遊戲可比題跋一幀尺寸同畫

第一幀

趙大年寫煙柳一株兩株定有太和堤畔風致丁丑清和月墨井道人在上洋東樓

簡文朱

第二幀

高嶺層層嵐疏林逗殘照馬文璧畫法墨井

士醅
文朱

第三
幀

宿雨乍收曉煙未泮作米畫全用五墨法使得之漁山

子

士醅
文朱

第四
幀

梅道人草亭詩意上巳前一日墨井

士醅
文朱

第五
幀

雲氣外無出路水聲中有人家漁山子寫高克恭

士醜
文朱

第六
幀

此冊在上洋隨筆擬古之作上游遠行出以相贈墨井

道人

士醜
文朱

上游少卽工畫游于墨井之門盡得其指授今春不遠
百里訪余于來青閣共晨夕者數月盤礴解衣其爲起
予者多矣因出墨井此冊相示把翫不忍釋手是於游

戲點染中不爲古法所拘脫盡時史謬習刻俗入雅逸
氣飛翔雖迂翁癡老不得專美于前上游屬題放筆不
覺一咲癸未嘉平耕煙散人王翬

蘭士

朱文

此冊前二十年見於都下今忽於無意中得遇故人何
幸如之揮汗摹寫六幘藏之篋笥以供欣賞咸豐元年
中伏日醕士記 冊共十帋又石谷跋又侯棠跋上游
姓陸名道淮又記

蘭士

朱文

戴文節山水冊

紙本四幀每高五寸八分闊九寸一分皆水墨是冊
原本二十幀見習苦齋畫絮余得時祇存十六幀並
有潘頤之星齋兩跋已收入初錄冊頁類內往歲於
吳君昌碩齋中見此四幀卽係前冊散佚者吳君慨
然見貽珠還合浦信有定數因補錄之以成全
璧並錄吳君跋語於後其餘十六幀茲不重載
其一

米虎兒法

醇士
朱文

其二

雲瀑倣巨師戴熙

醒

文朱

其三

水邨圖趙王孫本鹿牀居士

戴

文白

其四

郵亭鴉語醅士

戴

文白

是冊虛齋得自川沙沈氏已祇存十六頁不知何時失
去其四岷懷太史題簽已詳言之余於十數年前在吳

中偶得四頁曰雲瀑曰米虎兒曰郵亭鴉語曰水邨圖
已收入集冊中歲壬戌夏虛齋與余談及始知卽係是
冊橄佚者因舉以相贈延津劍合信神物自有呵護也
爰識其翰墨因緣於左安吉吳昌碩老缶年七十九

吳俊
之印

文白

昌碩
文

朱

戴文節費曉樓皋亭春泛圖合卷

紙本兩段第一段高六寸八分長二尺五寸三分設色山水層巒明秀開水澄鮮兩岸桃李爭妍柳絲飄拂村屋櫺比雜樹扶疏中流一舟遊人四五隄畔復繫小艇橫跨石橋傳色淡逸中年得意筆也

皋亭春泛杏樓一兄先生屬畫戴醕士直取鷗波真際毋示不知我者

江蘇
蘇州
蘇州

文白

林鹿

文朱

第二段高七寸一分長一尺八寸五分設色山水柳綠花紅川光嵐影堤邊環橋橫駕村舍相連遊艇兩三中流鼓棹用色艷麗筆亦秀潤深得春光明媚之旨不愧為吾鄉名手也本身兩題圖後諸題詠或書詩牋或書素紙尺寸不計

臯亭春泛杏樓大兄屬畫西吳費丹旭

子朱
文

山光明媚水澄鮮望裏樓臺擬學仙一卷詩情寒食路
十分春色夕陽船當門柳小曾偷眼繞岸花低欲並肩
最是武陵舊煙景東風聯袂又今年圖成後杏樓出示
佳章復次元韻卽正曉樓

曉樓
詩文

胭脂染出十分鮮眞箇桃源境似仙流水有情飛鴨浪
住家多分讓漁船烏絲題句難停手紅雨因風忽上肩

畫裡皋亭重讀畫對花斟酒樂年年己亥上巳子翰金城題

東方易傳

米文

杏坡詩草

文白

半幅生綃點綴鮮分明勝境屬詩仙陰濃三月綠迷路
花擁一谿紅到船芳氣撲罇傾酒膽香風吹袂聳吟肩
自慙客裏逢春慣小別皋亭又幾年小詩奉題杏樓大
兄大人皋亭春泛圖卽呈教削畚芷弟毓德初稟

育德

文白

翦綃裁錦露華鮮不是天台境也仙三月艷陽行樂地

一溪新漲討春船漫將麗色爭人面易惹吟情聳客肩
手展畫圖疑入夢舊游回首廿三年
謂戊寅春看桃花事奉題臯
亭春泛圖次韻杏樓仁兄先生屬並請正定荅上奚疑
稿庚子四月時年六十有九

奚疑
虛白朱文

一竿垂釣鱖魚鮮渺渺煙波望若仙雅襖竟傳名士會
好風爭放上河船潮來酒暈初回頰春動詩情不聳肩
祇恐詞人探杏去臯亭花事負多年杏樓詞兄屬題臯
亭春泛圖卽和原韻奉正放山弟馮廷華稿

延

白

回首春明景物鮮清游邀聚酒中仙雪花交映迷前路
今年臯亭桃花開盛時適風雪大作霽後遊者當作奇景看也書畫頻携載一船轟飲
傾壺翻醉眼狂吟拍案聳詩肩匆匆歸櫂斜陽後似較
風光遜昔年杏樓賢甥屬題臯亭春泛圖并用原韻時
庚子四月二十四日也古驛琴隱汪邁孫橐

兩

朱

吹遍春風樹樹鮮皋亭來往境疑仙溪痕綠漲三篙水
山色青隨六柱船新柳漸遮漁父宅天桃斜並美人肩

君家出郭無多路次第尋芳年復年庚子夏四月爲杏樓大兄屬題皋亭春泛圖卽用原韻竹賓沈焯初稟

吳江沈焯

文白

竹賓

文白

杏樓詞兄以自題皋亭春泛圖詩見示索和元韻草率應之錄請正句琉璆百頃漾澄鮮約伴操舟作散仙春雨靚粧金谷樹曉霞輕泛米家船影緣臨水波含笑詩欲酌花客聳肩添箇漁人重入畫披圖如訪武陵年又倒步原韻一首辜負花朝又兩年勝游準擬與隨肩一灣流水新添漲幾度春風未放船

己亥與楊齋昆季游後今春擬借小白諸

君續之苦雨經旬天霽而
花事闌珊矣爲之悵然
白舫青簾勞我想歌衫舞袂

羨君仙更看棹向橋橫處銀網爭誇肥鱖鮮子佛弟裘

元輔塵藁

元輔一
字子獨
文白

故人約我舉亭遊買棹看花挈雙榼臥聽簷溜雨不止
晨起濃陰半開闔小東門前艤舟待擬辦衝泥屐新蠟
須臾天忽放澄霽綰羽南飄風颯颯晴曦漾水水痕活
前船後船艣相蒼沿澗沙渚三尺篷背指湖壩一鍼塢
出郭漸遠花漸稠穠李天桃紅白雜銖衣仙子最韶秀

輦繡屏風列重沓花妝倒射入波鏡有影都從鏡心納
臨流娟娟竹籬俯和煙濛濛柳絲搭長虹蜿蜒衆香裏
千株萬株錦紛逕停橈喜趁午日暖緩步河梁碧莎踏
憑欄一望叫奇絕五色羅浮眩離合明璫翠羽集瓊珮
木難珊瑚陳几榻黃英粲粲綠野秀綴以蔬畦水田納
琉璃簾覆九華帳金鈴流蘇四圍匝幾叢遠復在雲外
雲與花光互吞欲花耶雲耶辨莫真畫手無人善摹搨
移舟更入港深處疑訪仙源叩丹閣小橋流水徑幽僻
儻有門麻漂升合夕陽催歸尙留戀路遠渾忘里徑并

看花難得花盛開又少風姨怨摧拉祇餘一鶴招不至
座恰朋簪四人盍重來各是舊巢燕起病余如出籠鵠
天公作意頗矜寵塵世誰能耐譟謔山中見說梅更佳
冒雪同探待殘臘己酉春社日子翰仁兄招同澹年亞
伯泛舟至皋亭看花遲伯蓀不至分賦得七古一章卽
題於春泛圖卷後以識勝遊並求教正孟紳胡琨初藁

胡璉
芝印 文白

出東北郭無多路望望皋亭在眼前燕子忽來知社日
花辰纔得見晴天美人塢指纖纖影壞衲衣分稜稜妍

蠶事爭祈崇善妹就中忙煞進香船此行聊作畫中人
次第觴流酒數巡夜宴斷難如李白後來祇恐誤劉晨
不攬塵事情斯暢偶近漁家樂便真歡喜橋頭同佇立
紅霞一片照芳津春社日宿雨初霽偕同人泛舟皋亭
看桃花得詩二首子翰金城初藁

金城

朱白文

杏樓

朱白文

與君對酒皋亭畔絕似仙源洞口前屐齒印殘芳草路
花枝紅碎夕陽天放情轉覺壺中小顧影猶憐鏡裏妍
新漲半篙雙槳滑人從天上坐春船夾岸天桃艷襲人

終朝不慊幾逡巡剛逢社燕營巢候未卜祈蠶疊鼓晨
宿雨蒸紅春易老遠山潑黛畫難眞無端好景催歸急
翻悔臨歧失問津己酉二月二十九日同遊皋亭卽席
奉和錄請杏樓仁兄大雅教正澹巖弟周泰甫草

澹巖
朱文

尋常桃李態嫣然占得韶光十倍妍我自入山塵世隔
不知春色在誰邊比是文章炫爛時翻從冷淡結幽思
西溪梅與東城菊次第安排入好詩壬子初秋歸自潛
州適杏樓弟以皋亭春泛圖索題漫書二絕卽爲政之

栗園鄒志初

志初

文白

寫來穠艷色逾鮮
掉入微茫意欲仙
繞郭煙邨芳草路
盪波風簾綠楊船
時清廢壘餘鴻爪
地暖春香上客肩
際此良辰期盡醉
可知錦瑟是華年
皋亭春泛圖奉和
杏樓仁兄原韻
卽請大雅教正
時道光戊申三月澹巖弟周泰

周泰

文白

周泰

文朱

落英芳草色相鮮
此地尋源境卽仙
步障緣谿開罨畫

姓波瀾淥入觥船山光顯繡疑簪髻蓬影依人欲並肩
拂面紅塵應一笑渡頭風景付長年戊申二月泛權甘
墩子翰仁兄出圖屬賦次韻卽求正句且蘭高學沅

學

文白

小

文朱

臯亭問桃圖記

宿霧未收晨風欲狂華夫肆虐銀竹

森峭有僮叩扉出自吾宗將步臯亭探彼桃萼詞人高
適辭以拈鎚隱士方干託言服散胡威嶽嶽周訪仡仡
衝雲而行同登小艇甫出北郭谷兒大笑手指紅鏡遠
在蒼岫兩岸天桃間以玉李紅白相輔若助清興其始

至也如觀青海之舞轉鳳遊龍變態非一如入碧鮮之
厨羹湘酪楚凡品無色其漸進也如遊勃律之渡珊瑚
瑣碎瑤盤晶瑩如歷樊桐之峰絳樹刺雲紺衣藻野其
窮勝也如據楞伽之頂火珠金刹共萃鸚林如坐靈童
之觀紫鼎丹砂並環鳬騎迨乎黃日染枝紅雨葩泉集
乎靈妃之廟撓乎歡喜之橋鸞髻玲瓏蟬衫歷落步珊
珊其媚渡語軟軟其膩波周子曰嘒觀之不足胡公曰
止靜以鎮之走與吾宗或行或謳榜人告夕歸鳥促發
回憶來境如隔旬日夫聚散之偶飲啄之微知士精料

未可預定六時異景匪直燠雨吐花萬古賞花億千愈
轉愈幻此遊爲最吾宗致詞是乃鴻雪殘燈紅上遂爲
之記道光己酉春杪應麟未定草

同庚
金應

文白

伯亞

文朱

元王叔明竹趣圖軸

紙本高一尺六寸五分開九寸三分水墨修竹千竿遠近林立山幻深處結屋數間坡上一人獨坐石磴拊膝凝眺巖光明秀澗水淙洄此圖與夏日山居同一筆法堪稱傑構

竹趣 篆書 丁未二月黃鶴山人畫于嘉樹軒

原

朱文

韓逢禧書畫印

朱文

王

一朱兩白文

明仇實父梧竹草堂圖軸

紙本高四尺六寸六分開一尺七寸八分設色山水人物高梧修竹圍繞草堂一人兀坐堂中神氣閒逸攤書几案筆硯井然隔岸幽篁叢密溪畔流水潺湲遠岫橫黛瀑泉倒瀉傳色明麗用筆精工為極矜意之作三家題詠書於本身御題另書書斗紙上高九寸五分開與畫同

仇英實父製



朱洲文

仇英之印

白文

年來無夢入京華才盡文通敢湯誇但得池頭頻賦草
不須筆上更生花徵明

徵明父印

白文

徵明室印

白文

常侍風流鄴下遺英英文采隴長離也知彩筆花生夕
應是神遊藝苑時王寵

王寵私印

白文

王寵之印

白文

吳中文祇屬君家錦繡辭章世共誇兄弟池塘原有草

何須更夢筆生花彭年奉次

孔

文朱

潘彭年印

文白

景虞堂印

文白

之寶

文朱

三希堂

文朱

子孫

文白

乾隆

文白

石渠寶笈

文朱

養心殿

文朱

之寶

文朱

石泉竊以清梧竹復修翠誅茆為小檻延得青山致幽

人兀然坐開卷默而識彷彿沂水風吾與點也意乾隆

己未中伏御題

乾隆

文朱

宸翰

文朱

天府珍藏

文白

明陳古白劉振之合作蘭竹石圖軸

紙本高三尺六寸七分闊九寸七分水墨春蘭一叢
傍觀竹石筆法松雪秀潤清新諸家題詠書於本身

辛亥春仲錫山舟中對雨作陳元素

陳

朱文

元

白文

素

白文

原起補竹石

劉氏

白文

閒看雙燕倚雕闌花落辛夷春欲殘自是灌園多暇日
風前綉佩采幽蘭韓道亨

韓印

白文

泉

白文

春蘭如美人不採羞自獻時聞風露香蓬艾深不見丹
青寫真色欲補騷人傳對之如靈均冠佩不敢燕蘇長

公題春蘭作書似去盈兄俞琬綸

宣君
文白

並石踈花瘦臨風細帶長靈均清夢遠遺佩滿江湘雨
浥淇園翠風撩楚畹香憐君臭味似爲贈一枝芳右題
蘭竹葛應典書似去盈丈

應典
兩白一
朱文

葛翁
白
文

叢蘭生礪邊風來時自舞佳人步珊珊續紛搖翠羽文
謙光題

謙光
文白

杏圃
朱文

張柳
文白

周夢公
朱文

周家寶
字多齡
文白

周氏多齡
所藏金石
文白

明惲香山仿米海岳雲山圖軸

紙本高五尺四寸一分闊一尺六寸水墨山水雲樹迷濛樓閣隱顯其中山頭積點濃淡渾成墨采淋漓氣韻蒼潤是圖直追大米遺法實爲此老僅見之品

晴雲亂飛山竄欲動 米海岳自言李伯時病臂三年余始學畫然以李嘗師吳生余爲睛目面文取顧高古不使一筆入吳生氣古人之小心而獨立也如此國華命余爲此圖自顧形似不知何處生活庶幾以無聲之詩助君噴飯云耳乙卯重陽後七日盟弟惲本初識

字

白

惲印

白

轉法輪

朱

吳興

白

寶淵

朱

臥雲

朱

室芬館
文朱

王煙客山水軸

紙本高三尺一寸五分闊一尺一寸水墨山石礫礪
林木稠密幽澗深邃雲氣滃濛渾厚之中兼以秀潤
是爲中
年所作

乙亥秋日畫於維亭舟中王時敏

王時
敏印
文白
筆墨
文朱

湯貞愍秋坪閒話圖軸

紙本高三尺一分闊一尺四寸一分設色山水秋樹
扶疏丹翠相間坡上兩人對坐閒話隔溪高峯突兀
白雲滃然山幻林木叢中隱露梵閣用筆
蒼勁敷色秀逸老年傑品不易多觀也

秋坪閒話 令甫二兄大雅屬卽請正之七十一叟貽
汾

龍山

白

忠孝

朱

余於去歲編輯續錄四卷當經付之梨棗今春續獲
以上六種皆不易多覲之品惟版已開雕無從列入
因補刊於後庶名蹟不致湮沒云爾乙丑夏四月虛
齋自識